

الأنبياء الصغار

سفر زكريا

ملك وديع و راعي صالح

ربنا يسوع أتى إلينا كَمَلَك وديع ... و كَراعي صالح لغنم مذلولة ... اللي يقبله كَمَلَك و راعي فقد اختار النصيب الصالح ... أَمَا من يرفض بإصرار فلن يكون له نصيب

× طبعاً الملخص ده لا يغني أبداً عن الوعظات و التأملات العميقة في كلام الكتاب المقدس ... دي محاولة بسيطة لتقديم ملخص بسيط للأسفار

ليه ندرس عهد قديم؟

"فتشوا الكتب لأنكم تظنون أن لكم فيها حياة أبدية. وهي التي تشهد لي"

وصية واضحة من ربنا لدراسة العهد القديم (تلتين الكتاب المقدس) ...

1. مانقدرش نستوعب العهد الجديد صح غير من خلال نبوات و أحداث العهد القديم
2. ربنا هو هو أمس و اليوم ... و كذلك الإنسان ... العهد القديم غني جداً في شرح معاملات ربنا مع الإنسان بطريقة تخلينا نفهم ربنا
3. الكلام ده اتكتب عشاننا (الوعود و الوصايا لا تتغير) ... ربنا كَمَل لنا (لم آت لأنقض بل لأكمل)

عن الكاتب



👤 معنى الاسم: **الله يَذْكُر** ... و اسمه مرتبط بالنبوة لأن الله يذكر توبة و جهاد شعبه فيقوم و يفتقدهم و يتجسّد ليخلصهم، و يعمل فيهم بروحه القدوس ... فيه أراء بتقول إن ده زكريا ابن برخيا بن عدو اللي ربنا ذكره في إنجيل الويلات (متى 23)

📅 فترة النبوة:

- بعد عودة مملكة الجنوب (يهوذا) من سبي بابل إلى أورشليم
- هو و حَبِّي النبي تنبأوا في نفس الفترة مع بعض ('فتنبأ النبيان حَبِّي النبي وزكريا بن عدو لليهود الذين في يهوذا و أورشليم باسم إله إسرائيل عليهم' (عزرا 5 : 1)

أهم نبوّاته: تنبأ مجموعة كبيرة من النبّوات اللي تتعلّق بأسبوع الآلام (حد السعف و خميس العهد و الجمعة العظيمة، زي ما هانشوف بالتفاصيل)



عن السفر



☰ عدد الإصحاحات: 14 (أكبر نبوة في الأنبياء الصغار) ... قريب في الطابع بتاعه من سفر إشعياء (فيه نبّوات كثير عن السيد المسيح و رؤى كثير)

🔍 ظروف الكتابة:

- قبل السبي كان إرميا النبي تنبأ إن السبي هايستمر 70 سنة ('وتصير كل هذه الأرض خراباً ودهشاً، وتخدم هذه الشعوب ملك بابل سبعين سنة' (إرميا 25 : 11))
- و تنبأ إن بعد العودة من السبي، ربنا هايكون مع شعبه في هيكل جديد ... و يأتى المسيح و يملك على شعبه (إرميا 30 ل 33)
- و تحقّق أول جزء (العودة من السبي) في عهد كورش ملك فارس (سنة 538 ق.م) اللي سمح لليهود بالعودة لأورشليم


- وقتها عدد قليل (حوالي 50 ألف بس) هم اللي قرّروا العودة ... الباقي خاف إنه لسة هايبدأ و يبني ثاني مدينة أورشليم المنهدمة ... و اختاروا يعيشوا في بلاد السبي حتى لو في عُربة عن الهيكل لأن حياتهم استقرّت هناك
- بعد العودة من السبي على طول، الحياة في أورشليم كانت صعبة ... و كانت بعيدة عن التوقّعات بتاعتهم اللي فهموها من النبّوات إن المسيح هايأتي في أيامهم و يعمل مملكة عظيمة زي اللي عملها داود الملك ... فالشعب بدأ يتسائل و يُحبط: هو المسيح هاييجي امتي؟
- زكريّا في نبوّته بيجابو عليهم و يفهمهم رسالة مهمة جداً و سؤال مهم جداً: هو انتم مستعدّين بتوبة حقيقية لمجيء المسيح؟

📌 السفر موجّه لمين؟ لشعب مملكة يهوذا العائدين من السبي

✅ **هدف السفر:** تشجيع الشعب على إعادة بناء الهيكل (زي حجّي) و على توبة صادقة و طاعة لربنا لأن المسيح قادم ... و السفر بيقدّم نبّوات كثير عن السيد المسيح

🔑 مفتاح فهم السفر:

- سفر زكريا سفر صعب شوية، فيه مجموعة من النبّوات مش ماشية في خط واضح مترتب يسهّل إننا نعرف العلاقة و الترتيب بينها و بين بعض
- لكن هي حياتنا على الأرض كده، مش كل حاجة ممكن تتفسّر بسهولة و طريقة واضحة و مترتبة (و مش كل حاجة هانفهمها و إحنا على الأرض) ... لكن النبّوات دي بتوزّينا يد ربنا و هي بتشتغل في التاريخ عشان تحقق قصده و هدفه ... خلاصنا ... إحنا اللي علينا إننا نؤمن و ننتظر ملكوت السماوات



ملخص السفر

أول 8 إصحاحات مجموعة من النبوات هدفهم توصيل رسالة التوبة للشعب ... آخر 6 إصحاحات نبّوات واضحة عن السيد المسيح و عن أورشليم الجديدة ... الرابط بين الثّنين دول إن التوبة هي الشرط لقبول السيد المسيح كمّلك و مخلص

دعوة للتوبة

✚ إصحاح #1 آية 1 ل 6

زكريا يدعو الشعب لطريق التوبة

[تفاصيل أكثر](#)

رؤى لزكريا النبي 9

✚ إصحاح #1 آية 7 لإصحاح #6

رؤى متفرقة بعضها عن شعب إسرائيل في الوقت ده و بعضها عن مجد أورشليم الجديدة

[تفاصيل أكثر](#)



استنتاج من الرؤى

إصحاح #7 و 8

السؤال الأهم: هل أنا تائب و مستعد للقاء ربنا؟

[تفاصيل أكثر](#)



نبؤات أسبوع الآلام

إصحاح #9 ل 11

نبؤات واضحة جداً عن دخول المسيح أورشليم في أحد السعف ... و خيانة يهوذا .. و الصليب

[تفاصيل أكثر](#)



نبؤات أورشليم الجديدة

إصحاح #12 ل 14


مجد كنيسة العهد الجديد التي تجمع كل من يؤمن بالمسيح من كل الأرض

[تفاصيل أكثر](#)

صور السفر



1: دعوة للتوبة



- زكريا يبدأ بدعوة للشعب إنهم يتوبوا و مايعملّوش زي الجيل اللي فات (الجيل الشرير اللي حصل السبي عقاباً على خطاياهم و رفضهم للتوبة و عدم استجابتهم للأنبياء اللي كلّموهم) (آية 1 ل 5)
- الشعب استجاب و تاب (أو هكذا قالوا) (آية 6)

نتعلّم إيه؟

حياة التوبة هي الطريقة الوحيدة للاستعداد للقاء ربنا

— يا رب إديني توبة صادقة مستمرة حارة 🙏

2:9 رؤى لزكريا النبي



- طبعاً الأطلام و الرؤى دي فيها رموز كثير، مش بتكون واضحة و مترتبة زي الواقع ... ربنا كلّم زكريا بالأطلام زي ما كلّم يعقوب و يوسف و فرعون (في سفر التكوين) و غيرهم كثير ... و الرؤى عادةً بيكون فيها جزء ينطبق على الواقع و جزء نبوة عن المستقبل
- رؤيا #1 (إصحاح #1 آية 8 ل 17) و رؤيا #8 (إصحاح #6 آية 1 ل 8) عن 4 فرسان ... كأنهم 4 ملايكة يمشوا في الأرض و يقولوا أخبارها لربنا (علامة على إن ربنا دايماً شايف اللي بيحصل)
 - هم في الرؤية يقولوا لربنا إن الدنيا مستقرة و في سلام
 - ده معناه في أيامهم إن مملكة فارس هاتغلب مملكة بابل و ترجع السلام في الأرض
 - و هنا بييجي السؤال المهم: ال 70 سنة اللي قال عنهم إرميا خلصوا، و الشعب رجع من السبي ... هل المسيح هاييجي دلوقتي؟
 - ربنا يُجيب إن النبوات هاتحقق و يأتي المسيح ... لكن لم يُجب عن الوقت
- رؤيا #2 (إصحاح #1 آية 18 ل 21) و رؤيا #7 (إصحاح #5 آية 5 ل 11) عن خطايا إسرائيل السابقة و السبي
 - رؤيا #2 عن 4 قرون رمز للأمم اللي هاجمت و سبت إسرائيل (زي آشور و بابل) ... بعد كده القرون دي هاتتكسر عن طريق 4 حذّادين (رمز لمملكة فارس)

طبعاً روحياً القرون ترمز للشياطين التي تحاول تبعد الإنسان عن ربنا ... و الحدّادين يرمزوا لرجال الله الذي بيكسروا فخ الشيطان
 رؤيا #7 عن امرأة جوة سلّة ... رمز لخطايا إسرائيل التي أدّت للسبي ... و جاءت إمرأتين بأجنحة و حملوا السلّة على أرض شنعار (بابل)


- رؤيا #3 (إصحاح #2) و رؤيا #6 (إصحاح #5 آية 1 ل 4) عن بناء أورشليم الجديدة
 - رؤيا #3 عن واحد بيقس المدينة ... إشارة لوعده ربنا إنه هايبنى أورشليم ثاني و تكون منارة للأمم التي هايؤمنوا و هايضقوا لليهود كشعب واحد ربنا ... و فيه نبوّات واضحة عن التجسّد و عن مجد كنيسة العهد الجديد
 - رؤيا #6 عن دّرج (رسالة ملفوفة) يطير في أورشليم ... بيعاقب اللصوص و الكاذبين ... إشارة لكلمة ربنا التي بتنقي أورشليم الجديدة من الخطايا
- رؤيا #4 (إصحاح #3) و رؤيا #5 (إصحاح #4) عن مجيء السيد المسيح للشعب التائب من خلال رموزه (ال 2 الذي كانوا ييقودوا يهوذا في الوقت ده)
 - رؤيا #4 عن يهوشع (رئيس الكهنة) ... كان (رمزياً) لابس خطايا إسرائيل كثياب متّسخة ... ربنا شال عنه اللبس ده و أعطاه لبس جديد كهنوتي و عمامة جديدة (رمز لنعمة ربنا) ... و ظهر له ملاك و قال له إنه لو قاد الشعب لتوبة حقيقية مستمرة و كان أمين في خدمته، ربنا هايكافئه و يكون نصيبه بين الملايكة و القديسين (آية 7 و 8)
 - طبعاً الجزء ده معناه إن ربنا سيساعد الكاهن و الخادم الممتلئ بالروح رغم الظروف الصعبة
 - رؤيا #5 عن زربابل (القائد الذي من نسل داود) ... شجرتين زيتون ييمدّوا منارة (رمز لعين ربنا على شعبه) بالزيت عشتن تفضل منورة ... الشجرتين دول رمز ليهوشع و زربابل (اللي كان ييقود العمل لإعادة بناء الهيكل) ... ربنا قال إن العمل مش هايتم أبداً بمجرد مجهودات بشرية، بل بنعمة روح ربنا
 - في سفر الرؤيا بنسمع ثاني عن المنارة و الزيتونتان (رؤيا 11)
- رؤيا #9 (إصحاح #6 آية 9 ل 15) عن يهوشع الكاهن ثاني ... الذي لابس تاج من ذهب (رمز للسيد المسيح، رئيس كهنة العهد الجديد) ... و زكريا ييقول إن المجد ده هايحصل لو الشعب تاب و أطاع ربنا (آية 15)

نتعلّم إيه؟

الجزء ده غني جداً ... لكن خلّونا نركّز مع النبوة الرابعة ... ربنا هو الذي بيلبس كهنته و خدّامه بالنعمة و يعطيهم المجد و الحكمة إذا كانوا صادقين و مخلصين له و حازّين بالروح

— يا رب انت اللي تبدّل ثوب حياتي الممزّق المتّسخ و تلبسني نعمتك و تفيض عليّ بهائك و مجدك ... أعظمك يا رب

3: استنتاج من الرؤى



- 6/10

5: نبوّات أورشليم الجديدة



- إجابة السؤال: لا ... لأن ربنا هايسكب روحه في قلوبهم عشان يتوبوا على رفضهم للسيد المسيح (إصحاح #12 آية 10)
- و ربنا هياتي كقاضي عادل و يدين المسكونة بالعدل و يقضي على الشر
- إصحاح #14 بيتكلم عن أورشليم الجديدة اللي بتجمع المؤمنين من كل أقطار الأرض ... و تبقى زي جنة عدن ... و فيها نهر الحياة (الروح القدس) يجري من الهيكل و يشفي الخليقة كلها

نتعلّم إيه؟

إحنا في مجد عظيم جداً في العهد الجديد ... ربنا يسوع جاء و أعطانا الخلاص ... و أعطانا الروح القدس جوة كل واحد فينا و بيعمل في الكنيسة كلها

— 🏴‍☠️ يا رب خليني أحس بالعزّ اللي أنا فيه ده ... و أثبت فيك و في كنيستك و كلمتك ... عشان يوم مجيئك الثاني المخوف أكون مستعدّ بفرح

أهم الآيات



آيات تلخّص السفر

فقلّ لهم: هكذا قال رب الجنود: إرجعوا إليّ، يقول رب الجنود، فأرجع اليكم، يقول رب الجنود

— زكريا 1 : 3

مهما الواحد يعد عن ربنا بتفضل القاعدة دي سارية: لو ثبت و رجعت, ربنا موجود ... أب طيب و حنين بيقبل أولاده (زي ما الأب قبل الابن الضال)
تأمل عن الآيتة دي هنا

آباؤكم أين هم؟ و الأنبياء هل أبداً يحيون؟ و لكن كلامي و فرائضي التي أوصيت بها عبيدي الأنبياء, أقلم تُدرك آباءكم؟
فرجعوا و قالوا: كما قصد رب الجنود أن يصنع بنا كطرقنا و كأعمالنا, كذلك فعل بنا

— زكريا 1 : 5 و 6

آباؤكم أين هم؟: الناس اللي رفضت التوبة كان مصيرها في الآخر صعب (السبي)
الأنبياء هل أبداً يحيون؟: الصوت اللي جايلك بيقول لك توب (زي ما كان الأنبياء بيعملوا مع الشعب), مش هايستمر على طول ... لا تطفئ الروح القدس اللي جواك برفضك و تأجيلك للتوبة
كلامي و فرائضي التي أوصيت بها عبيدي الأنبياء, أقلم تُدرك آباءكم؟: كل اللي قاله ربنا على لسان أنبيائه حصل ... هانعيند لحد امتي؟
فرجعوا (أهم جزء): إننا نفكر و نفتنع و ناخذ قرار بالتوبة ... و القرار ده يستمر

فأجاب ملاك الرب و قال: 'يا رب الجنود, إلى متى انت لا ترحم أورشليم و مدن يهوذا التي غضبت عليها هذه السبعين سنة؟' فأجاب الرب الملاك الذي كلمني بكلام طيب و كلام تعزية

— زكريا 1 : 12 و 13

ده يوضح لنا دور الشفاعة (لما بنتشفع بالملايكة و القديسين) و تبين إن ربنا دايماً مدير الخير لأولاده

فيتصل أمم كثيرة بالرب في ذلك اليوم, و يكونون لي شعباً فأسكن في وسطك, فتعلمين أن رب الجنود قد أرسلني إليك

— زكريا 2 : 11

ده مجد أورشليم الجديدة (كنيسة العهد الجديد) ... الكنيسة الجامعة اللي بتجمع كل الأمم

لا بالقُدرة و لا بالقوة, بل بروحي, قال رب الجنود

— زكريا 4 : 6

آية معزية جداً ... معناها ببساطة إن ربنا بروحه القدوس هو اللي بيعطينا النجاح
تأمل عن الآيتة دي هنا

لأن كل سارق يُباد من هنا بحسبها, و كل حالف يباد من هناك بحسبها

— زكريا 5 : 3

أورشليم الجديدة (كنيسة العهد الجديد) مافيهاش مكان لمن يرفض التوبة ... ربنا زي ما هو إله رحيم أعطانا الخلاص, هو ديان عادل لكل من يرفض أو يستهين بهذا الخلاص

فأبوا أن يصغوا و أعطوا كتفاً معاندة, و ثقلوا آذانهم عن السمع. بل جعلوا قلوبهم ماساً لئلا يسمعوا الشريعة و الكلام الذي أرسله رب الجنود بروحه عن يد الأنبياء الأولين. فجاء غضب عظيم من عند رب الجنود. فكان كما نادى هو فلم يسمعوا, كذلك ينادون هم فلا أسمع, قال رب الجنود

— زكريا 7 : 11 ل 13

ربنا صعبان عليه من شعبه اللي قال لهم وصاياه على لسان أنبيائه ... و هم كانوا معاندين و رفضوا يسمعوا ... جعلوا قلوبهم ماساً (الماس قوي جداً في قطع الحاجات) ... فربنا بيقول نتيجة للرفض ده منهم, أنا مش هاسمعهم لما يطلبوني
لازم قبل ما أقول: 'أنا باصلي كثير و ربنا مش بيسمع', أسأل نفسي: 'هل أنا باسمع صوت ربنا؟'

هذه هي الأمور التي تفعلونها. ليكلّم كل إنسان قريبه بالحق. إقضوا بالحق و قضاء السلام في أبوابكم

— زكريا 8 : 16

ربنا يريد رحمة لا ذبيحة ... يريد حياة توبة حقيقية و تغيير حقيقي و عقل بّوصاياه

ابتهجي جدّاً يا ابنة صهيون، اهتفي يا بنت أورشليم. هوذا ملكك يأتي إليك. هو عادل و منصور وديع، و راكب على حمار و على جحش ابن أتان

— زكريا 9 : 9

ابنة صهيون = بنت أورشليم = كل نفس بشرية

ابتهجي = عهد جديد

دي نبوة واضحة ودقيقة عن حد السعف: ربنا دخل كَمَلِك لكن بطريقة وديعة ... داخل منتصر

أتان = إشارة لليهود (زي إشعياء 1)

الجحش = إشارة للأمم (لم يُركَب من قبل = ماعرفش ربنا قبل كده و ماعندوش أي خبرة روحية)

ربنا مسؤل عن خلاص الكل

تفسير بعض الآيات

فقلْتُ: إلى أين انت ذاهب؟ فقال لي: لأقيس أورشليم لأرى كم عرضها و كم طولها

— زكريا 2 : 2

اللي بيقيس ده ملاك الرب ... زي اللي بنقراه في سفر الرؤيا عن قياس أورشليم الجديدة ... رمز للكنيسة و النفس البشرية
المعنى هنا إن ربنا بيقيس الإنسان ... قلبه و أعماله و محبته و جهاده ... ربنا بيوزن كل حاجة ... طوبى لمن يوزن بالموازين فلا يوجد ناقصاً

و أنا، يقول الرب، أكون لها سور نار من حولها و أكون مجدّاً في وسطها

— زكريا 2 : 5

ده مجد العهد الجديد ... ربنا محاط الكنيسة بسور نار (ملايكة و قدّيسين) ... و مجده هو ذاته في وسطنا (عمانوئيل إلّها في وسطنا الآن)

لأنه هكذا قال رب الجنود: بعد المجد أرسلني إلى الأمم الذين سلبوكم، لأنه من يَمَسَّكم يَمَسَّ حذقة عينه

— زكريا 2 : 8

المسيح يقول: بعد المجد (اللي ربنا فيه عن يمين الآب)، أرسله الله الآب لخلاص العالم كلّه (كل الأمم حتى اللي كانوا ببسلبوا اليهود) ... ربنا تجسّد من أجل خلاصنا، إحنا غاليين جدّاً عنده

كَلَّمَهُ قَائِلًا: هكذا قال رب الجنود قائلًا: هوذا الرجل ‘الْغُصْنُ’ اسمه. و من مكانه ينبت و يبني هيكل الرب

— زكريا 6 : 12

نبوة عن التجسّد ... ربنا في تجسّده أخذ صورة عبد ... غصن = ناصري (نبوة عن السيد المسيح) ... و برضه ربنا قال عن نفسه أنا هو الكرمة الحقيقية

و أنتِ أيضاً فإنّي بدم عهده قد أطلقت أسراكِ من الجُبِّ الذي ليس فيه ماء. إرجعوا إلى الحصن يا أسرى الرجاء. اليوم أيضاً أصرّح أنّي أرّد عليكِ ضعفين

— زكريا 9 : 11 و 12

أنتِ أيضاً = أورشليم القديمة (كنيسة العهد القديم)

الأسرى = آباء العهد القديم اللي دخلوا الجحيم و رقدوا على رجاء القيامة

- 💡 دم العهد = دم المسيح
- 💡 الجُبّ الذي ليس فيه ماء = جحيم بلا عزاء (بلا عمل الروح القدس)
- 💡 الحصن = الفردوس
- 💡 إرجعوا إلى الحصن = بعد الصليب ربنا نزل الجحيم و أّصعد نفوس صديقي العهد القديم إلى الفردوس
- 💡 ضعفين = مرة بالفداء و دخول الفردوس .. و المرة الثانية في المجيء الثاني (دخول الملكوت)

فَرَعَيْتُ غَنَمَ الذَّبْحِ. لَكُنْهُمْ أَذَلُّ الْغَنَمِ. وَ أَخَذْتُ لِنَفْسِي غَصُوبِينَ. فَسَمَّيْتُ الْوَاحِدَةَ 'نِعْمَةً' وَ سَمَيْتِ الْآخَرَى 'حِبَالاً' وَ رَعَيْتِ الْغَنَمَ. وَ أَبَدْتُ الرِّعَاةَ الثَّلَاثَةَ فِي شَهْرٍ وَاحِدٍ، وَ ضَاقَتْ نَفْسِي بِهِمْ، وَ كَرِهْتَنِي أَيْضاً نَفْسُهُمْ. فَقُلْتُ: 'لَا أَرَاكُمْ. مَنْ يَمُوتُ فَلْيَمُتْ، وَ مَنْ يُبَدِّ فَلْيُبَدِّ. وَ الْبَقِيَّةُ فَلْيَأْكُلْ بَعْضَهَا لَحْمَ بَعْضٍ' فَأَخَذْتُ عَصَايَ 'نِعْمَةً' وَ قَصَفْتُهَا لَأَنْقُضَ عَهْدِي الَّذِي قَطَعْتَهُ مَعَ كُلِّ الْأَسْبَاطِ. وَ هَكَذَا عَلِمَ أَذَلُّ الْغَنَمِ الْمُنْتَظَرُونَ لِي أَنَّهَا كَلِمَةُ الرَّبِّ. فَقُلْتُ لَهُمْ: 'إِنْ حَسُنَ فِي أَعْيُنِكُمْ فَأَعْطُونِي أَجْرَتِي، وَ إِلَّا فَاغْتَنِعُوا'. فَوَزَنُوا أَجْرَتِي ثَلَاثِينَ مِنَ الْفِضَّةِ. فَقَالَ لِي الرَّبُّ: 'إِلَاقَهَا إِلَى الْفَخَّارِيِّ، الثَّمَنُ الْكَرِيمُ الَّذِي تَمْنُونِي بِهِ'. فَأَخَذْتُ الثَّلَاثِينَ مِنَ الْفِضَّةِ وَ أَلْقَيْتُهَا إِلَى الْفَخَّارِيِّ فِي بَيْتِ الرَّبِّ. ثُمَّ قَصَفْتُ عَصَايَ الْآخَرَى 'حِبَالاً' لَأَنْقُضَ الْإِثْمَ بَيْنَ يَهُوذَا وَ إِسْرَائِيلَ

— زكريا 11 : 7 ل 14

- 💡 أَذَلُّ الْغَنَمِ = قبل ربنا لم يكن هناك راعي صالح، قال الغنم كانت ضعيفة و ذليلة
- 💡 نعمة = نعمة الخلاص و عمل الروح القدس
- 💡 حبال = ربنا عايز يربطنا بيه عشان نتمتع بنعمته (توبة و أسرار)
- 💡 أَبَدْتُ الرِّعَاةَ = القيود القديمة الحرفية و أساليب الرعاة القدامى (اللي زي الكتبة و الفرّيسيين المرأئين)
- 💡 اللي مش عايزين يمشوا وراء الراعي، هايمشوا في سكتهم و هايهلكوا
- 💡 فأخذت عصاي 'نعمة' و قَصَفْتُهَا لَأَنْقُضَ عَهْدِي = اليهود رفضوا العهد الجديد
- 💡 هكذا عَلِمَ أَذَلُّ الْغَنَمِ الْمُنْتَظَرُونَ لِي = الغنم اللي لسة منتظرين الراعي الصالح
- 💡 إِنْ حَسُنَ فِي أَعْيُنِكُمْ فَأَعْطُونِي أَجْرَتِي، وَ إِلَّا فَاغْتَنِعُوا : الراعي يقول لليهود اللي رفضوه: أنا خدمتكم كثير و رعيتكم كثير من وقت موسى، أعطوني أجرتي .. و لو مش عايزين، خلاص مش مهم
- 💡 كانت أجرتة في أعينهم 30 من الفضة (ثَقَنَ المسيح عند الكهنة ... الثمن اللي أعطوه ليهوذا)
- 💡 فقال لي الرب: 'إِلَاقَهَا إِلَى الْفَخَّارِيِّ = ارميها في وشهم! بقى ده ثَقَنَ محبة و رعاية كل الفترة دي؟! (ده اللي عمله يهوذا لقّا رجّع الفضة ... و اليهود اشتروا بالفلوس حقل الفخاري مقبرة للغرباء ... إشارة إن كل غريب يبجي يتمتع بحضن ربنا يسوع)
- 💡 ثُمَّ قَصَفْتُ عَصَايَ الْآخَرَى 'حِبَالاً' لَأَنْقُضَ الْإِثْمَ بَيْنَ يَهُوذَا وَ إِسْرَائِيلَ = خلاص انتهى العهد مع اليهود برفضهم المسيح .. ربنا لم يغد إلههم و حدهم بل صار إله كل من يؤمن به (يهودي أو أممي)

فيقول له: 'ما هذه الجروح في يديك؟' فيقول: 'هي التي جُرحت بها في بيت احبائي' استيقظ يا سيف على راعيّ، و على رجل رفقتي، يقول رب الجنود. إضرب الراعي فتتشّت الغنم، و أَرَدَّ يَدَيَّ عَلَى الصَّغَارِ

— زكريا 13 : 6 و 7

- 💡 ما هذه الجروح في يديك؟ = ده سؤال للراعي الصالح ... واحد بيسأل ربنا: إيه اللي بهدلك كده؟ ربنا قال ده العذاب اللي شافه من اليهود
- 💡 إضرب الراعي فتتشّت الغنم = اللي حصل ساعة القبض على يسوع ليلة الجمعة العظيمة
- 💡 أَرَدَّ يَدَيَّ عَلَى الصَّغَارِ = اضطهادات الكنيسة الأولى

و يكون يوم واحد معروف للرب. لا نهار و لا ليل، بل يحدث أنه في وقت المساء يكون نوژ. و يكون في ذلك اليوم أن مياهاً حيّة تخرج من أورشليم نصفها إلى البحر الشرقي، و نصفها إلى البحر الغربي. في الصيف و في الخريف تكون. و يكون الرب قَلِكاً عَلَى كُلِّ الْأَرْضِ. في ذلك اليوم يكون الرب وحده و اسمه وحده

— زكريا 14 : 7 ل 9

- 💡 في وقت المساء يكون نور = اللي حصل وقت الصليب ... كانت ظلمة على الأرض كلّها ... بعد كده رجع النور شويّة
- 💡 أن مياهاً حيّة = إشارة لإن ربنا خرج منه دم و ماء على الصليب ... الماء إشارة للروح القدس اللي هايغرق الكنيسة

المراجع الرئيسية



- موقع [The Bible Project](https://www.bibleproject.com/)
- وعظات أبونا داود لمعي من [برنامج فتشوا الكتب](#) أو من [المكتبة الصوتية على موقع كنيسة مارمرقس](#)
- موقع [القديس تكلهيمانوت](#)